



Inatsisartuni ilaasortaq
Kristian Jeremiassen

Pineqartoq: § 36, imm. 1 naapertorlugu apeqqut nr. 2010-237-mut akissut

Asasara Kristian Jeremiassen,

Aallarniutigalugu apeqqutinut saqqummiussannut qujavunga, taakkulu imatut nipeqarput:

Apeqqut 1: Imermut kallerullu inneranut akit illoqarfinni nunaqarfinnilu tamani 1. Januar 2011-imit orsussamut 0,10 øre-imik akitsuuteqalerpat qanoq akiliisalissappat?

Akissut:

Ikummatissamut akitsuut erngup akianut aningaasartuutitut annikitsuinnarmik sunniuteqassaaq, taamaattumillu imermut akit ikummatissamut akitsuummit sunniuteqarfigine-

./. qassanngillat. Imermut akit allattorsimaffiat ilanngunneqartoq takuuk.

Apeqqut 2: Illoqarfiit nunaqarfiillu sorliit orsussamut 0,10 øre-imik akitsuuteqalerpat akitsuiffiunerpaassappat?

Akissut:

Innaallagissamut akit illoqarfinni dieselitortunik innaallagissiorfeqartuni akitsornerpaassapput, taakkunani innaallagissamut kWh-mut 0,03 koruunit missaannik qaffassallutik.

./. Innaallagissamut akit allattorsimaffianni ilanngunneqartumi ikummatissamut akitsuut akinut qanoq sunniuteqassanersoq aammalu illoqarfinni nunaqarfinnilu sorlerni akisunerpaassanersoq takuneqarsinnaavoq.

Erseqqissaatigineqassaaq, akit 2011-mut allanneqartut tassaanngimmata akit 2011-mut atuuttussat. Taamaallaalli ikummatissamut akitsuutit 2010-mi akinut sunniutissaasa qanoq ittusaanerinut takussutissiaallutik. 2011-mut akit 2010-mi decembarimi Nukissiorfiit inassuteqareepata Naalakkersuisunit aalajangiiffigineqassapput. Innaallagissamut imermullu akit allattorsimaffiat ilanngunneqartut takukkit, taakkunanilu immikkoortiterinermi sumiiffiit innaallagissamut akisunerpaaffiusut siulliullugit allanneqarsimapput.

Inussiarnersumik inuulluaqqusillunga

Jens B. Frederiksen

9. november 2010
Sagsnr. 2010-040780
Dok. Nr. 500916

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl